

子良詩存

子良詩存卷六

番禺馮詢

恩江四詠

羅孝子

身從何來父母天地俯仰百年幾人無愧孝經煌煌讀
聖賢書所學何事解事死事生難弟難兄易敢以厥父
委厥弟念母兮荒煙宿草猿啼鶴唳誰爲伴者而母不
驚解二一廬孤立六載不易荆棘戕孝子身風霜鍊孝子
骨孝子乃暮守母朝省父至父亦沒而孝子之心未畢

三解孝子死矣孝德彰聞廬墓初蛇信雷擊蛇鵲欣欣

匪蛇之能毒天將顯孝子之德之純四解請於

朝廷表閭里此事謹傳遍恩水云是先賢好孫子廬中

讀禮守故紙

開廬墓時常手執羅一峯先生遺集一卷

雙親終百行始一峯

先生爲不死

五解

宋義婦

泉下有夫堂上有姑膝前有孤煢煢一身仰事俯蓄婦

焉可無

一解

姑死矣孤死矣婦若並死夫已矣夫不死賴

婦不死明大義宋蕭氏

二解

既克體姑心又足瞑夫目繼

述之善難盡錄錄其大者可以勵風俗指魯肅困捐義倉穀

二千築杜陵屋建闔邑鄉場文武試館憤弱質不能勤

王學卜式輸粟捐海疆軍需三解我來觀風表孝表忠

奉慈訓婦姑遺囑得軍功軍需吁嗟義婦兮巾幗而英

雄四解好義心婦勿衰由此義事擴而推我更為婦進一

詞五解詞若何是國帑豐邑百千萬戶富者易急公貧者

不能無所仰盍助爾鄰里鄉黨六解我詞傳出婦曰然摘

最疲戶為代完計代完錢窮民不知婦德但道今年催

科不到門七解黃金十萬豈輕擲要對先人地下無慚色

賢而多財易損德此意或者婦能識

入解

劉老翁

老翁未百年似見千年事生老病死苦閱歷亦云備一
家八十口室同性則異能使翁翁然又不分爨燧求之
古善門此境亦不易我久聞翁名欲訪屢未遂偶喜過
翁門謁然集善氣老翁聞官來迎迓爭擁簪入門便拜
謁矍鑠轉嫵媚高語喚兒孫羣來不須畏俄頃見數翁
偃僕扶杖至老翁指語我此是小兒輩卻罵兒無用七
十已困頓旋來數十孫長先少居次幼者不得前呱呱

至泣涕翁皆令叩頭圀然嚮滿地我亦答以禮一一問
瑣細翁語方未休我腰已甚憊翁謂山無肴畧設果餅
餌勸我茶當酒樂極亦似醉我因喜謂翁真乃德門瑞
封人三多祝張公百忍字積厚則流光繩繩而繼繼我
將表翁門以爲俗勉勵翁聽但瞠目似不解其義忽復
取餘餅向我袖中置願官如我壽子孫皆孝弟我思老
翁言又極有理致出門翁送我將前卻退避似欲有所
語含笑忽復闕莫謂翁無知此是翁深意歸途取餅嘗
咀嚼有餘味嗟嗟我一家食指無多累胡爲走四方各

各逐名利田園轉賣盡骨肉不得萃念翁忽沾巾點點
辭鄉淚

曾童子

束髮憶受書師謂我頗聰惜我性頑劣屹不受樊籠雖
復習舉業無恒慚疎慵廿四登乙榜廿五捷南宮登科
殊不早終欠闕歷功從此入風塵奔走無定蹤今來親
吏治遇事少折衝始悔幼失學至老猶愚蒙每逢縣試
時畱心觀幼童近聞明德鄉交口譽幼冲十歲曾童子
對仗精詞鋒招來面試之妙語紛玲瓏急羅置幕下延

師爲陶鎔果也未半年經事一一通曰者過講齋夏楚
聲隆隆旋兒童長跪默默若省躬我笑問童子胡爲乎
泥中童子不敢言師代白其衷昨夜先生歸庭樹爲一
空問是童子伐嫌月遮朦朧如此狂弟子得不鳴鼓攻
我聽先生言不覺觸於胸昔聞司馬傳夜遊謝氏從謝
謂月甚好微雲點更工司馬乃正言謂謝心昏憒太清
無滓穢豈能纖翳容今觀童子意暗與古人同殷勤卻
向師婉語申敬恭寓室毀薪木師責誠至公但念過觀
仁童似非凡庸由此一隙明或可擴而充極之希賢聖

霽月而光風師聞恍會意謂我言不誑亟語童謝過勉
父師磨礪

奉酬劉詹巖殿撰

繹

黑頭卿相白頭親乞養歡承

玉詔新八十鶴齡

咨

聖主三千騎從擁歸人陳情表在疇如願紀事詩成已

許身

見示紀恩詩

往日辭家今戀

闕男兒爭不淚盈巾

孟東野詩昔歲辭親淚今爲戀主泣

暫辭臺閣樂田園且喜還鄉故舊存世俗但誇珂里貴
少年誰乞鑑湖恩一溪桃李春成路主講瀛溪書院三徑蓬蒿
盡掩門絕口不談溫室樹無人知道近臣尊

聲華從古仗功勳

惠詩有敢以聲華奉使君之句

俗吏襟懷豈足云已

負臯夔慙讀律幸逢燕許敢論文冰壺曾濯心如洗星
斗難攀望轉殷略分抒情期勉至贈言何止句超羣

自題吏隱圖

昔賢名半千今我歲半百能禁事業誤幾回但愧光陰
輕一擲辭鄉去里已鴻跡薄祿微官亦雞肋既不山林

卽廊廟肯向風塵語泉石我所行兮或沉或浮我所思
兮某水某邱我曾隱處魚鹽市出復萬里爲壯遊英雄
失意百無計甚者寄食黃冠流平居讀何書讀書志何
求當官或於物有濟百里况古稱諸侯豈知着手便掣
肘操刀割雞如割牛如魚自煎蠶自縛如驥在櫪鳳在
囚故園已盡將焉往公案未了安得休歸隱不得作隱
語初賦毋乃孫公羞沈公且莫笑何公馬首下拜多巢
由終南捷徑縱偶獲北山移文防見投且復無聊曳龜
尾卻恐難免譏麀頭我官已似襦襜子我貌卽是衣冠

優卑生位置豈願此進退不決空夷猶吁嗟乎一行作
吏便要關憂樂否則名山傳著作吏兮隱兮皆寂寞若
輩真當置高閣若云以吏作隱莊胡不抱關與擊柝此
圖他日再斟酌

吏隱圖既成招鶴舟補以梅花再題二絕句

故我依然計已差不能淡薄不繁華平生缺陷知多少
惜費精神只補花

我是嶺南南外客記曾風雪話梅邊於今不是圖中遇
幾忘凌寒守十年

報陳蓮史方伯

昨日門庭喧呼呼驛使騎云是方伯書達自粵西至襲
以錦繡函署以琳琅字叫哉展書讀鬱鬱不得志未敘
家庭語先論天下事憂樂動辭色吟詠發情思方伯我
姻長又有同諧誼曩者侍席旁慷慨聞經濟坐言而起
行方伯實無愧一朝志未行拂袖遽引退頤養託泉石
忽忽閱數歲側聞粵人言公有出山意蒼生競翹首腐
儒反妄議頻年世多故海疆恣烽燧防亂須未然亂作
出已滯當茲疲弊餘安顯功業遂噫彼迂鈍子豈足決

大計譬如清涼體豈盡無疾癘攻伐卒奏功體固就痿痺不有大國手何以培元氣我思數歲中公早度時勢非急亦非緩相病投藥餌無事可懸車有事卽奮轡畏難退者多獨出轉驚異公退能輕身公出能重寄惟其退不難所以出不易方伯此一行於世卜亂治雖然更有言惟公聽勿置方伯任屏藩亦兼核賦稅錢糧歲有額逋欠乃無旣縣官自彌縫斯民自困敝一旦有大事轉餉苦不繼足食始足兵此事甚關繫賤子宰百里是公舊治地作詩敬報公願爲我策勵

嚴雪岑少府

襄廷

屬題四時漁樂圖

黃茆白葦綠楊津船上生涯畫裏身
兒女一家行樂計江湖十載未歸人
豈應得失爭鱗甲聊復升沉問水濱
卻恐上流多結網合從何處放閒綸

煙波隨地足徜徉休問名場與隱場
春水桃花空幻境秋風蓴菜是家鄉
手中有酒真須醉心上無筌更可忘
莫向淮陰弔祠廟英雄遊跡已滄桑

答符雪樵寄示楚遊之作兼索題吏隱圖

嶽色江聲一紙分登臨隨處見情真
青山好要居停主

白雪高難唱和人曾爲雨雲縈我夢未應湖海老君身

似聞沅芷湘蘭語多謝探幽屢費神

時在督學署裏校

千里猶求剩墨塗別來情興未全孤偶看殘菊思三徑

便約寒梅共一圖

吏隱圖成招鶴舟爲補梅花

何物功名稱吏隱往

時蹤跡混屠沽牆邊尚有窺臣者終羨蘭臺宋大夫

座主吳淪齋中丞

其藩

見寄嶽麓石硯賦此郵呈

中州夫子喬嶽身寄我嶽麓一片雲雲之爲靈變不測

精瑩壓倒端谿石吾師

賜硯稱傳家屢攜寶翰趨金華濟物終須大手筆揮灑

墨雨飛天花持衡士早資培植開府民尤望恩澤雲章
自昔冠西清風化於今到南國筆路藍縷啟山林惟楚
有材公在心白珩蒼璧非國寶至寶別向巖阿尋煙痕
水暈山川氣鉅幽鑿險成奇製產從南嶽屬離明定有
文章發經濟鸛之鵠之形不訛雄鳴雌鳴聲可歌似嫌
石性太亢傲調以琴式何其和號曰琴硯楚山蒼蒼楚水白
琴書共仰公遊跡未許靈均寫九歌恰宜賈誼書三策
萬民已立功德碑獨公泐實精研思雨露爲春霜雪夜
想見經營下筆時小醜年來驚草木此石崢嶸起林麓

只合元戎草檄文豈謂書生稽案牘我爲硯惜爲硯歡
粗才猶得青眼看丹鉛末技亦已小堅白本質誰能完
千里書來分墨瀋珍重披函爛如錦琢磨雖小器要成
硯兮亦抱彭宣感

青鐙課兒圖爲王霞九觀察

贈芳題

菜羹豆粥鐙前淚富貴追尋賤貧事殘籌已盡蝦蟆更
破卷猶攻蚪蚪字十年螢火一青衿克承父志勞母心
喜慍母隨兒感召觀察自作圖記言太夫人以觀察所業之進退爲喜慍母意青
鐙亦能料書聲歇處鐙心枯書聲起處鐙花笑兒勤篇

策母織絲母甘茹苦兒餐肥

記言太夫人自食菜羹而啖觀察兄弟以肉

但

當卜晝更卜夜宵使斷業如斷機牆角短檠安可棄往

日瓦盆今翡翠早朝晏罷金蓮歸兒能翰苑分榮輝三

條燭盡羣才舉兒能衡鑒目如炬入書章奏夜未央出

稽案牘寐不遑兒能平反母有光明並日月嚴冰霜回

望此鑑真可寶從公幼小照到老罔極親恩剩講惟有

味兒時成畫稿

圖用放翁青鑑有味似兒時之句云

民方玉燭瞻調元公

偏載影還闔門想公家慶張鑑筵夜闌未免悲當年而

公德業已爛然流光共識賢母賢雲仍奮起氣萬千此

圖合作心鑑傳

霞九觀察屬題兩世孝子錄

孝子爲觀察祖名光昇號乙莊觀察父名

殿堦號

立齋

吉郡善人里王家孝子泉

詳家傳

艱難成獨行先後得同

傳畫錦雙華表宵鎧一舊璫定知歐墓近德業繼前賢

孝亦尋常事如公德更隆最難惟繼母所異在神童慈

反因嚴見兒兼與女同

語俱載傳中

回頭無忝事屈指豈能

窮

庭下烏曾集山中虎亦馴橘遷仍得實桐萎復生春

皆實

事物有憐孤意誰無生我人至今尋舊跡行客淚酸辛

不有賢孫子誰能表善門史書一統志

事實採入大清一統志

綸綽兩朝恩

一請旌在嘉慶八年一請旌在道光五年

錫類家家足

家傳備述孝子

諸義舉

遺言世世存

著格言甚多

淵源誠有自祖德已堪尊

題香蘇山館詩集

吳蘭雪刺史嵩梁著

宮體流傳姓字香少年獻賦上明光徐陵天與珊瑚筆

李賀春歸錦繡囊未接風流憐我晚久羈塵跡爲君傷

俊遊到處畱題遍滿地江湖翰墨場

把卷含毫寄遠神想君遺事舊如新卅年仕宦青鏡味

一代公卿白社人，辛苦但爲將母計。溫柔終覺與民親，高標卻只梅花拜。或者逋仙此後身。

南山先生寄示花甲閒談圖本有訓諸門人爲縣令之作，詢亦與焉。賦此郵呈。

久別師門意惘然，重尋舊樂按新編。千秋大業三三子，一席閒談六十年。得未見書輕仕宦，師自言如此以無愧事。

作神仙江湖畢竟關，憂樂歌詠猶聞治譜傳。

贈蔣矩亭大令

予檢

能宦從來帶俠情，蔣侯才豈但書生。座中笙管三千客，

胸次弓刀十萬兵治行已傳家有譜薦章纔上吏知名
最憐逸興公餘發墨汁飛花紙作聲

繁劇需賢合首推我欣同郡得追陪亦知高曲難爲和
豈有能文不愛才鴻爪偶然聯雨雪馬蹄容易滯塵埃
茫茫歧路鞭誰著眼見君登郭隗臺

贈吳薌冷大令

林光

江檝同操共往還讓君名勝早躋攀廿年燕市塵中路
百里驚湖雪後山

時宰
鉛山

已棄田園安得拙縱談風月恐

非閒無端鄉思隨春至惆悵梅花庾嶺關

傲吏從來有直聲，卻教狂拙笑書生。
法雖我用愁妨俗，清恐人知要避名。
羨爾平反能奉母，問誰凋敝敢論兵。
時爲兵差所累明知非富難辭去，一樣蹉跎愧晉平。

王勉齋大令

師道

屬題二圖

崆峒看雲

要將蒼翠洗緇紅，處處名山選不窮。
過眼雲煙經十載，舊遊回首玉門東。

爲霖爲雨屬君身，旱魃無端煽俗氛。

用自題詩意

一片殷勤

霽澤意蒼生，看子子看雲。

吳山觀湖

西湖景自愛澄鮮忽訝風霆到眼前一洗六朝金粉色

置身吳越氣幽燕

勉齋西人

萬里飛騰去復回展圖如見浙門開州青縣白羅胸次
屹是湖山管領才

宋小墅吏部

延春

屬題鵞湖菰稻圖

主講鵞湖書院

先生休歎一座無千畝蟠胸百頃湖已見成材羣弟子
暫爲識字老田夫青山與客盟車笠綠野將人人畫圖
桃李門牆桑柘社笑看華實名紛敷

文章吏部古難攀，卻仗經畚贍世閒。
學道豈宜嘲老圃，買田終要近名山。
地無惡歲仍防歉，客有餘糧較易閒。
畢竟草堂畱不得，蒼生翹首望春頒。

題鵞湖莼稻第二圖

荷花滿湖中，稻花滿湖外。
名山屬先生，日飫清腴味。
自從畫省歸，屢講章岩地。
東山尚未出，西疇復有事。
慨然飢溺憂，先爲單寒計。
豪貴厭粱肉，腐儒苦粗糲。
安得萬頃田，普作千家利。
功成雖有待，此意已活世。
賤子亦讀書，橫經未負耒。
將以祿代耕，田園轉荒廢。
徒爲飢所驅。

展卷得無愧

贈小墅吏部卽送北上

華國文章寶翰森早傳聲價重璆琳萬條紅燭千秋筆

十載青綾五夜衾論士南州推傑出愛才東野許聯吟

清芬浣誦君家集長見梅花鐵石心

惠讀尊甫梅生先生心鐵石齋詩集

東去年年唱大江送君尤覺意飛揚經綸鳳闕新宮閣

絲竹鷺湖舊講堂尚戀雲停遲別館轉欣風便快離鄉

燕臺客訊煩傳語爲種潘花老更忙

麗川謁祠圖爲張蔣孫參軍

壽基

題

令祖蔣塘先生名吉安字

鹿水有治行

入祀名宦

漢家守土重循良遺澤於今頌永康一縣好花賢令尹

百年喬木舊祠堂定知梅福能延福

謂蔣孫官南昌

便把桐鄉

當故鄉手制狂蛟功最著瓣香應繼許旌陽

春日遊隱居寺

萬萬不能隱頻來訪隱居樓臺古木下風雨落花餘仙
佛無非夢英雄安用書可憐高士耳辛苦聽鐘魚

寺遊既歸連日惘惘若有所失賦六截句柬同遊

諸公兼示寺僧

多謝山門爲我開
塵中猶有水雲堆
喫茶啖餅談何易
也要閒緣帶得來

韶華依舊鬢毛新
杜牧多愁易損神
風要落花泥着絮
不能成佛只因春

綠草窗櫺白板扉
舊時居士只幽棲
於今寂寞逃禪地

竟有人畱柱上題

諸君子皆
題詩柱上

落花如此已無言
尚作禪談恐厭喧
非是豐干眞學得
佛前吾奈舌猶存

莫論絮果與蘭因
色色空空總幻身
五百年前思此地

無臺無樹更無人

不能長住枉流連道是無緣卻有緣眼見雲房惟夢到
可知仍乏買山錢

寄招銘山

銘山我老友結交三十年讀書各得官君卻於我先我
時困伏櫪君已乘高軒一揖遇天涯仍是舊語言賤守
貴不渝愛君道力堅然而不能官卽坐此一端書生固
完人施於俗則偏守故但率性毋乃經不權君方據要
路我謂臨危巔果聞君罷官廢書我惘然

身既入人海豈能無升沉而况宦海波又比人海深去
住聽自然何得凝於心自從君去官不寄我一音皆謂
去官累忙無閒光陰眾人安識君君意我獨諳既官誓
顯榮不榮遂不談及見君家人語已見家函至欲爲貲
郎復職期洗慚嗟乎我銘山此意非奇男英雄能發軔
亦復能收帆請君看鏡中衰鬢垂毵毵

近者復聞君官逋重如山人皆爲君憂而君色不寒區
區斗筭才平生笑老慳劉毅擲百萬此事非君難卒之
亦無累身輕仍翩翩君身既翩翩安能歸閉關甯作飢

鳳勞不爲凡鳥間

君有異母弟

舟謂鶴

母異性亦歧兄性能磊落弟性能委

蛇兄素尚雄才而弟偏守雌我知其精細延以司度吏
非但能度支事事存箴規渠雖不爲官可爲我官師以
茲官數年我身幸免危邇來談世事及君輒嗟咨嗟咨
復嗟咨人事安可知相助垂令名努力倘未遲

答王子梅

我識王郎垂十年十年奔走無一錢王郎所富惟詩篇
豈知詩好窮益堅別來屢致書纏綿我可報君無一言

吹簫君本是吳客吹竽今忽入齊國邇聞更復厭魯儒
朝上燕臺暮遊洛作客能令志士悲封侯敢道書生弱
憶初共泛明湖船明湖明月圓又圓花柳年華流似水
風流裙屐散如煙古往今來類如此北馬南船非得已
眼前世事幻無窮何況區區吾與爾我聞鄧尉山頭梅
花千萬枝賞花無人花怨咨自從花外鳴鼓鼙飛香走
紅避胡兒春來習習和風吹花喜還山花要詩安得王
郎看花歸

聞王秋槎入贅曲阜孔氏作長句寄贈

羈鳳羣孤羨雀喧一枝聊寄當鄉園本來身世如秦贅
難得室家窺孔門似子才華誰匹偶有人飢餓惜王孫
賃舂便遂梁鴻計終恐因人火不溫

寄懷鄒鴻放大令時大令已辭官尚寓大明湖上
知交回望散如煙出處重論倍黯然我尚蹉跎成繞磨
君能歸去是先鞭十年牆角諒題墨五夜湖頭夢放船
人事參商誰料得竟須鄒衍莫談天

古縣

舊時城郭已全非訪舊還來讀斷碑地尚妖巫如楚俗

客談宗祖是吳兒

地爲三國吳陽城縣治

空倉鐙黯窺飢鼠古木

雲荒叫老鴟卻愛綠波沾綠酒春遊疑到習家池

依然官渡浪灣環官柳無人更折攀一徑綠埋通市路

萬層青接隔橋山

過石橋卽層山

豈能滄海無今古爲似鄉園

數往還某水某邱君記取再來容易歎緣慳

春寒

白日淡平野影寒增客孤風聲垂老得酒力入春無世
路年年慣山家事事粗死灰誰更撥兒女笑圍爐

投宿山店

明月不到地暮煙生遠林歸禽終日力行客半途心地
僻防門戶天寒戀枕衾此生思此味一處一沉吟

村行

意行隨路入村家短屋衡門落照斜一片春光無處著
雨餘牛背貼桃花

看義倉收穀有感

民飢鳥雀喧雀喧民不飢有穀供雀啄斯民見則嬉又
深蠶食憂民瘦讓雀肥爲我語鳥雀天空任爾飛樹花
與草實採之可養肌願各食其力毋但依人爲

喜見新苗

十日不出門出門有飽意一綠割萬段秀色紛占地
地不盡膏腴而有膏腴味茫然水失白鬱若雲染翠山隙
無居人亦漸有人至有地卽有力無人可無事吾將語
老農歸去買耜耒

曆山鄉館與羽可同年夜話

同年二十載始識住南州日下多朱戶鏡前各白頭我
才慙百里君志在千秋莫負此良夜重來是舊遊

尋常詩酒會憂樂忽無端朋輩音書切蒼生涕淚洎

示出

江南友人書
道夷寇投書
談兵誰杜牧閉戶且袁安
共有酬恩劔
身微不敢看

於隱居寺旁搆一軒顏曰夢隱

彈指樓臺頃刻新
新宮重話舊緣因
曾開西晉清談口

縣志載西晉時已有此寺
倘寄東坡幻化身
柳往雪來題墨客
茶前

酒後聽鐘人分明
此地親經過
卻要逢僧更問津

名山千古屋三椽
得住塵蹤亦偶然
聊借非臺無樹意

未煩鶯女帖兒錢
江湖滿地今初地
花雨諸天此一天

終笑回頭仍夢境
不能無夢豈能禪

將移他縣呈李子畚郡尊

關西夫子舊儒英望重雲霄案澈冰作郡治平今渤海
此邦文獻古廬陵江無鱷浪因公到家有龍門許客登
十部淳風三載雨勸農時節又春塍

小試牛刀愧匪材賴公眞賞出塵埃萬人笑拙非能政
百種推誠爲愛才

詢以民賦積欠幾被吏議獨蒙郡尊保薦

桐幸聽音猶可

辨橘愁遷地更難栽依依小草無窮意謂是曾沾雨露
來

酬李瀛臺明經

錫齡

向未逢君而逢君
輒愴神身窮悲宦
裔客久誤鄉親

瀛臺

隨宦吾粵多年能作粵語
紅燭深宵雨青衫舊日塵可憐
李昌谷嘔

血要詩新

大業正無限壯心安可摧
問誰拔趙幟

李登選拔榜

看爾上

燕臺幕府需奇策蒼生屬秀才
慙予無力薦空說項斯來

招鶴舟屬題鶴舟圖

昔聞林和靖有句招鶴舟
合君姓與號遂慕林風流
我卻爲君思安得爲林儔
林據湖山勝而君僻鄉陬得地

既已齋得天甯獨優林又無妻子梅花同一邱君乃重
家累出門勞未休以茲學和靖事事全不侔然於風塵
中託志能隱幽欲爲林弟子想林當見收我又聞和靖
孤山長出遊命鶴守門戶客至則信投是以爲廝僕鶴
也毋乃羞鶴性本高鶩雲霄任去留屈置解艦閒何異
鳳在囚和靖固高人鶴或甘低頭君但慕高風不必疵
窮摻我亦有所慕爲君試一籌願學張志和宅泛而家
浮魚鳥任自來鶴亦聯唱酬何時理歸棹餘糧尚可謀
君林我則張逸興將同不可惜尚虛願但於圖畫求夏

然一長嘯天地真浮漚

張子和秀才

舒翬

出示詩卷題贈

刻苦爲新響詩心幾客知有才非患少得句不嫌遲屈
宋詞無懦齊梁體漸卑憑君椽筆健力爲古風持

而翁噪海內

鶴舫先生

大業爾能傳萬卷幾千里一衿三十

年多才此餘事後輩各先鞭我亦蹉跎誤名山望黯然

送錫田從弟歸里

一入風塵各半生菟裘偏汝得先營青山夢裏童游釣
白髮樽前老弟兄鄉國亂離歸幾客門閭衰薄仗茲行

終知乞食非長策便是無田要學耕

春塍

日行十里得五里春塍之折作蛇虺野人耕田要田多
遂使田塍薄如紙此疆彼界心各私日腴月削力不遺
容足以外覺無用貪嗔可笑蚩氓荒磽尚墾况肥美
一撮泥沙可生死終歲勤動不肯休爭土未完復爭水
東家有田西家侵西家未起東家沉前人寸金視尺土
後人如土能揮金田主屢易田不沒大田茫茫天地闊
乃至無地容塍畷滄海時間老農說嗚呼衛鞅重利開

陌阡新法極至青苗錢夏王溝洫周疆理問以古制今
茫然縣官豈得談井田牧民要以無訟先但使農無越
畔客讓路路不辟人行亦便

催科至去秋被水村莊

日行巖牆閒凜凜心震懼非畏巖牆顛畏民居散佚安
居且未遑殘田亟補綴天心實憫農入春雨洽浹老農
僂僂耕身瘦力易竭新歲縱得豐而不償舊失我爲催
科來開口不得說又恐農懼逃勸耕使勿輟稍稍集村
人聽語樹下歇朝廷爲爾民國用要有出偏災誠難免

安得賦遂豁耕九可餘三綢繆計預設公田乃及私此
義何可滅語罷似聞笑笑道此官拙

宿濠湖

偪仄復偪仄夜行喧到門僕散予亦息勞極易飽溫及
曉始辨屋屋破流殘痕新草雜舊稻濕穢氣欲昏僕言
地經水難可備朝餐去此二十里聞有水東村此村頗
有墟墟頗有菜根出門促輿行無地容足奔行者尚如
斯居者何以存有生要勿殺稍殺生遂難寸水一丈淚
隔歲不得乾

江舟

舟人日行水不知身上山既上望下流凜凜生寒顏名
江實山路積瀑成危灘一睛視平地一雨驚狂瀾水下
舟上行稍懈進則難五里要一湯十里要一餐瓦盆載
糠糲能使筋力蠻勞慣逸輒病有力不敢慳舟中坐商
賈趁水頻往還商久遂膏梁膏梁髮易斑反如舟人壯
父母生我孱

緯夫

從古牽舟人曾不見回頭決意向前途不知何所求眼

見穩如船而身行未休江路日以逼江波日以悠若朽
馭六馬若重迴萬牛君居要路津操縱須自謀請看來
船帆風利不得收

陳氏甲秀園古柏行

宏梁大棟不出山老幹拙直皮駁斑斧斤不到車馬到
訪古動已嗟材難蒼蒼者天緣成海望氣早驚神物在
輪囷不減四十圍培植已經三百載童童如蓋護閒廬
廬中合有幽人居名山風雨故無恙平泉草木今何如
世事悠悠安足數郭氏變爲陳氏土

園在前明爲郭氏
宅柏卽郭所植

百從史筆定詩篇

陳侍御學海作古柏行

此柏千秋應有主我來

問樹入陳門依然甲秀開名園種樹定知如子弟看花
難得到兒孫興闢對柏忽太息安得如君好筋力消磨
一樣慙風霜君自青青吾髮白

八桂圖爲陳星樓題卽送其歸桂林秋試

別後兩逢君都在西江路江水大有情送來復送去我
來不去但送人年年望斷江頭樹江頭樹亦豫章材久
炙日月鞭風雷每因材大轉不用遂雜樗散甘同埋君
謂凡材容易老不若君家桂樹好秋風昨夜被底生魂

夢芬芳吹到曉曉來梳頭要簪花花時可惜身離家停
車莫感官道柳畫艇急泛仙河槎蒼梧雲氣黯修阻此
去還鄉路經楚須知蘭芷易衰愁莫忘枌榆久延佇昔
我曾遊八桂坊衣裳尚有當年香送君爲君理衣裳攜
香滿袖毋相忘金粟從來不枯槁卻是折花須及早不
早便恐似少陵縱有才華被花惱

似我圖爲吳小我題

人生無可無不可安得人人盡似我但求似我不問人
君意豈復凡人論我語畫工且停筆畫君莫但畫顏色

苦求神似不得似自是君身有仙骨用或曰甚似或曰
不世無知我空悠悠稽生固不是凡鳥顏公亦實非
猥知君我卻風塵外似與不似都休怪頭顱四十正英
雄金粉三千徒狡獪題成拜君還此圖問君我得如君
無我慚不似君卓犖願君及早登臺閣君不見衣冠優
孟謂似孫叔敖後來歎賞不若當前褒

求肖圖爲蔣耘苔題

蔣郎才調風翩翩平生所愛惟少年少年可愛亦可惜
此意畫工描不得憶我識君在塵途崢嶸頭角美丈夫

邇來髣髴頗有鬚背人照鏡偷歎吁回首相逢五年耳
色換情移已如此縱令筆墨極傳神安得韶華長在紙
君今繪圖強自修苦苦欲肖何所求莫非求上凌煙閣
千古英雄同寂寞不然求入畫屏風風流白傅亦已翁
紛紛位祿與名壽總非少年好時候只求車上潘安妍
莫肖簾前羅隱陋算來畫工購不難難得女兒買絲繡

畱別羽可同年

齊年久識名相見乃俱老一見歡五年近別非所惱然
而垂老別後會安可保念此意惘惘爲君歎浩浩我慙

此五年受君益不少我病君示藥我詩君定稿言言君
可師事事我未了近者闢山中築室種花草我家無一
椽欲歸但煩惱庭下走文孫讀書甚秀好此事又勝我
我孫尚未抱昔君始登朝聲華耀龜藻一旦辭清貴十
載守枯槁似我何足論羣雄皆壓倒旣進孰能退退孰
如君早君初贈我言我久爲君寶今又千里別可無一
言道白雲何冥冥明月何皎皎懷人人事難百憂迸心
擣

送門人傅雲帆孝廉

作舟

公車北上

得生已五年今年見乃始意謂生異才頭角必怪歸及
與生接談恻恻儒者耳一榻下虛齋萬卷理故紙入則
共尊酒出則隨杖履生謂我工詩出詩請正指嗟乎我
傅生此意頗錯擬我已坐詩窮君胡復業此但當守丹
黃自可博朱紫憶昔閱生文光芒雜奇詭君才俗豈知
我譽眾乃毀卒之決意薦竟售我狂喜苟讀有用書莫
謂無知己我曾挾策遊泛舟信江水生廣信人鵞湖鹿洞閒
書院與鼎峙才向美且多生當仰而企况已讀十年又
將行萬里黃金築高高白壁獻比比用世正需才雙眼

望君起

傷北雁

雁門太守不食雁北雁南來歸勿憚北雁只羨南雁肥
安知南有黃金彈長梁短稻萬萬枝化爲毒矢天上飛
雁爾雖高身亦危欲飽汝腹戕汝肌北人失雁南人悲

廟蛟行

鄉村有廟蛟附祭生蛟欲殺死蛟媚蛟死畱皮蛟有名
不然誰識蛟何形或謂懸蛟以示伐久在廟中亦神物
鄉人祭蛟向蛟言願蛟有廟無子孫椎牛轟飲廟歌舞

祭蛟何如祭貓虎

輿夫歎

出亦乘輿入亦乘輿與未登途輿夫嗟吁汝勿嗟吁汝
勞不如予汝爲下走予亦府中趨汝能息肩汝則快駟
馬高蓋憂甚大糟糠易飽膏粱飢君不見坐輿者瘦輿
夫肥

村籬歎

官到催租則村人鳴籬以警眾

東村打籬西村驚破籬皇皇作飢聲飢無宿糧官催征
嬌兒夜啼爺早興爺謂怕籬避籬去打籬人在爺何處

安得碎鑼鑼可嫌碎以爲鈎鏃地無鑼聲是樂土
春社醺錢奏簫鼓

水東水南

水東屬永豐
水南屬樂安

東人變色南人哭哭道今年住新屋水南賴東未漂沉
水東助南借土木借汝土木汝勿功汝亦曾歌杼柚空
河內粟濟河東凶

老蛟老蛟伏水底水南蛟頭水東尾縮尾昂頭向南起
東人望之毒如燬爾蛟胡爲起水中豈爾欲化身爲龍
蛟不成龍龍助虐地水上騰天雨落蛟龍迸力奪城郭

水東水南不相連三寸細魚飛上天昨日川底今山巔
在山何如在川好山川已失東南道人亦爲魚魚勝人
眼前且得避網綸魚避網綸魚可歎水生水死無人看
我從南來復東行南土氣作東風腥東人語怕南鬼驚
南人尚悲隔歲歎東人只喜新年盈東人應悲不應喜
水東我縣一村耳他村被水亦如此南人尚憐况鄉里

催科到樂安縣宿大池村蕭氏祠

人閒苦炎熱獨此畏衣單氣冷當祀祖權衰越境官多
憂隨處怯漸遠覺歸難將移他縣爾尚有田畝猶爲寄食歎

興縣民受本邑

田謂之寄莊

客夜

年年經此地此地只清淒
熱客作春夢小兒如鳥啼
鐙

殘入星斗雨甚換山溪
謂獨有同味模糊看壁題

壁上有王

曉峯
題詩

夏寒

人間無五月安識世多寒
作客情原怯非時勢易單
筋

骸天鍊足風雨路行難
似起太古雪野煙飛白團

靜極

靜極小有動動中仍靜存移牀選漏屋聽屐詫空村道
薄愁奔赴僮勞夢語言曉來辨苔蘚破碎稍畱痕

農具

書生一筆耳農具有百事便欲注農經恐未識農意當
念農艱難勿問具瑣細長鑿白木柄嗟我早棄置勸農
農或問將何具以對忽復思田園久廢因烽燧何時賣
刀劒盡以買鋤耒南山自荒蕪北山自勞瘁徒爲老農
笑手無尺寸器

小兒

前回未見人今忽在手中世上多一兒亦復多一翁昔
我好耳目今來換瞶聾低首語小兒爺娘愛汝鍾汝催
爺娘老老非少壯容謂小兒無知感歎與翁同不見萬
家啼夜夜如寒蟲

卽景

峭風尖雨逼人吹人景依然物暗移辛苦作藤成老大
殷勤種樹得將離不堪歎過談禾稼敢以涼深試葛絲
總是舊遊誰忍去綠陰如水浸門楣

遣恨

長說牢亡補未遲行年忽已及知非馮唐雖健無如老
張翰能傳只肯歸若論生涯原影幻偶談耆舊覺風微
故山有樹無人種種到今時定十圍

可惜

可惜此心血消磨知有無雨憂閒草死風笑野花粗事
了餘身健詩工覺物枯何時買溪水歸學柳州愚

客館雜詩

誰言百里侯明明是寓公朝飲水西北暮宿山南東日
日山水閒胡爲塵滿胸此胸無限愁恐塵亦不容一官

墮閻土萬里無長風安得長風吹化土爲洪濛人生天地間豈可愁老終無愁遂無塵山水夫何庸

上鄉地出布下鄉地出穀豐邑四百里里里衣食足衣食非不足催科何碌碌入旣極艱難出則易瑟縮以衣食供租似奪其所欲奸胥計遂乘疲民勢愈蹙其弊千百端如垢不得浴胥怕官見民見多民情熟

去城百里外地幾無寸平山民星星散居無閭里名高低就匡石俯仰疑樓亭上爲兒女笑下爲雞犬鳴喁喁小家樂自死自育生不知地險阻古時曾用兵卻思兵

所爭只爭郭與城

可惜千丈溪不得一尺魚山縣皆懸灘地勢難蓄潄然
而涓涓泉足爲田滋畚漲暴忽或來陸沉亦可虞山溪
多小橋逼仄不容輿下輿過橋行影閒情亦舒忽思歸
買竿釣取珠江珠

百里走熱客入屋鬚忽凍土牆發老汗蒸鬱變寒淞一
心坐煩躁四體臥癱痛仰首見祠堂濕朽舊椽棟地有
興廢殊味已人鬼共努力起加飯未飯氣已膏因茲事
事非轉覺念念空一物隨身有有是清涼夢

大雨禁細響雨定轉厭喧號蟲若紛爭雜以人語言萬
聲有萬心一心神乃完安得長聽雨洗我心煩寃癡哉
臧三耳具體分數端

昨得家人書得書兼藥物怕我嘔心血爲我補精力奈
何任繭絲而尚好紙筆家人誠我愛我意恐未識未聞
政事科慮以文學失况我久名場此中頗閱歷一意事
功名幾輩保心術

五年未祈雨亦復未祈晴雨晴上帝澤民頌爲官聲我
心固惶恐我念轉經營此邑路最遠遠者最好爭又界

數州縣雜處多強橫昔者歉倉箱頗聞事刀兵民飢性
易暴民飽氣則平愧我保官譽實天蘇民生我將別民
去何以酬民情豐穰雖幸獲政教殊未成

求志書院落成長歌示諸生

有序

永豐縣志載崇元觀在城外西坊隱居寺左宋
淳熙間邑東秘監伍順捐田地建立自後屢有

廢興明邑聶貞襄

豹

與安福鄒東廓

守益

餘姚

錢緒山

德洪

嘗講學其中今僅存故址耳癸卯

夏與諸生謀復三先生講堂并建求志書院

隱居居士今無名寺旁崇元觀亦傾終知釋道讓儒學
寺觀寂寞堂崢嶸當年講學者誰子曰聶鄒錢三先生
先生願學孔尼父弟子卻事王陽明陽明學本接孔孟
良知獨闢言醇精末儒誤會謂禪寂真學錯解騰譏評
請將事績觀史冊美諡赫赫書文成千秋業已在宇宙
三子身幸遊門庭聶能淡災奠巨寇鄒也幕府參論兵
緒山侃侃抗大獄是皆實蹟非虛聲吁嗟有明社黨重
論說無謂門戶爭誰歟所學若三子實能坐言能起行
昔聞訪道借古觀聶爲地主鄒錢朋轉思坐論九華洞

此事亦與文成并邇來古蹟久漸廢是邦文獻吾能徵
亟集諸生復大業遂搆梁棟除榛荆因茲隱居傍寺院
卽以求志名堂楹隱居求志乃孔語以問先生良或應
要知道統重作述豈但堂祀畱香馨忽聞諸生更有請
謂宜崇祀羅羣英諸生請以三先生門下士附祀講堂我嘉後起意惓惓
佇見日上才蒸蒸我仕未優敢論學亦借道味澆塵腥
諸生且退我獨坐虛堂兀兀神冥冥

將移他縣門人劉北垣廣文

拱辰

爲予置酒作別

別後寄贈二首卽送公車北上

時廣文司鐸吉州

紅燭淒迷綠酒醺冷官情味孰如君千秋事業劉中壘
三絕聲華鄭廣文壁上墨痕和樹落座中山色隔江分
何緣得共虛堂坐坐對蒼黃又暮雲

茫茫塵跡總難論去住誰爲自在身下吏敢言投筆客

上清猶誤讀書人

劉領鄉薦以誤寫題字被勘議

莫愁前路無知己須

念高堂有老親况是公車名早達用才今正重蒲輪

恩江書院肄業生金紫閣秀才

鳳詔

求贈言爲別

作此以應兼示同學諸生

論學先辨器器小則易足器可以載道亦可以載福福

薄笑書生忍餓殉榮辱窺其向道心如器欲輒覆驗之
以所受儒術庶有屬

明明白璧疵謂是秦漢斑卉木貴遂生屈曲供盆山人
情曰矯揉吾道日削腴發以爲文章飾僞疊萬端根柢
旣罔據華實皆虛繁不見頌符命卽是草太元

泰山一拳石滄海一杯水置眾山水中誰能分別此託
體要高大遭遇則難擬急於求自見恐反與眾比須知
山海珍不在徑寸美

我有一本書不讀亦不焚焚之恐誤世讀之恐誤身身

世苟無補古今空復論書誠不易讀讀書何紛紛安得
萬卷澤化爲四海春

時賢將移官例有畱別詩我愧無一能亦遂無一詞生
也求贈言謂別宜箴規我言雖不工生意不可違卽以
求言心還爲生勉之但能虛受益可信高不危數詩語
瑣瑣五載情依依尊酒重論文後會倘有期

題吳小我看劍圖

虛堂說劍無人共酸風射眸作秋凍英雄愛惜轉躊躇
腰下三看仍不用用能辟易千萬人不用還埋古壁塵

生有合離原幻跡世無恩怨是閒身
寶物長懸待君揀
知君熟視愁無限風胡鴉九世不傳多少銅材遭白眼

題蔣耘苔守硯圖

蔣郎愛硯如愛酒自卯至酉不離手
生生世世結墨緣
暮暮朝朝陪石友石兮琢硯亦可吁
琢成待價走路衢
千金不願入富室十載苦死依寒儒
蔣郎蔣郎爾胡惜
硯不自惜東抹西塗費心力人索爾
解勝寶石恐爾欲
守守不得

苔熟

半城依山半城水山氣入城水氣死居人閉戶避毒腥
清日炸瓦瓦有聲乾瓦落地塵電驚電頭灼灼飛火星
繞屋噓噓走黃犬猶兒睡死老蓆斷病鶴長頭縮成寸
枝葉無功羽毛損物亦憐人人不知老嫗披胸扇夢兒
世間豈有清涼國洞房清宮皆閉塞營蠅無情蚊有力
使汝有飯不得食貧兒尚可富噴噴滿架蓑黃人面赤
憶昔身行炎海中海水鎔成一片銅照見火雲燒天宮
帝欲潤物誤渴龍嗚呼龍不自潤安能潤行客客盡焦
頭與爛額

海珠南畔南風吹吹我北來走路衢日日案頭攤簿書
中心如焚眼焦枯此時柳波午睡醒涼風恰到荔支艇

海珠南柳波
皆吾粵地名

將移浮梁感永豐紳士送詩成冊賦答二章

書生何術策治安四百同看井里寬天與豐穰彌拙政
民能迂闊恕備官敢因易地初終負卻惜無田去住難
不受一錢翻自愧百篇投贈勝琅玕

堂前呈牘亦詩函

民人會民塔當堂呈遞詩
稟語雖不工情可感也

况仰羣公

典籍探五色文章冠冕嶺

山

千尋情分兩絲潭

聞父老
云恩江

橋水從前極深墜雨絲方到底俗謂雨絲潭

同歌伐木方求鳥纔種垂楊便

解驂他日鄱湖重話月此心長照水東南

恩江有水東水南

新涼

清聲滿院無風起風在蕉心葉歡喜尚無黃葉有蒼苔
白袷玉郎來不來蕩蕩水痕生四壁蝦鬚簾子龍鬚帶
夜來唧唧復唧唧似聞蟲語暑未息轉轉鳴蟲雜鳴機
機聲未斷婦添衣破曉出門尚攜扇恰借避風斜刺面
三聲五聲蟬不諱十程百程雁正賒又見人閒移物候
送暖推寒一杯酒酒闌愁重背燭眠野螢入帷生綠煙

采恩疑煙織素空虛堂悄悄迴流風風動水氣光玲瓏
秋生何處生鏡中照見美人臉如月照見老人鬢如雪
敝裘不敝世不寒欲寒未寒先冷看北院富厚南院單
今人冷暖古人歎咄君熱作衾紀重有客清於硯蟾蜍

癸卯秋闈分校

塵土形容俗吏忙也隨簾畔看秋光新花似換邱遲錦

舊雨誰傾太白觴

時主司以李白憶舊遊詩句命題予三奉是役前共事者已有聚散存亡

之感重照兩行官蠟燭已裁三度嫁衣裳稽書判牘尋常

事忽訝今宵筆有霜

明知過眼卽浮雲特爲升沉念轉殷丹篆早成無此日
青衫猶濕勉諸君裴頭黃尾何非數馬速校近豈獨文
卻怨西風堂外樹藹香和紙落紛紛

主司一賞士無雙頃刻雲程煥雪牕料得愛才如北海
若論清派是西江我原俗眼愁難洗客有雄心恐未降
旣入名場誰肯淡且嘗滋味試茶缸

擲筆回頭自歎嗟聚如煙霧散如沙三場功果經千劫
一代文章得幾家歌曲太高難白雪姓名纔注便丹霞
此行所植知多少先負寒山九日花

贈弓小薌大令

嵩保

時同分校秋闈

大令河南人

萬卷曾披萬里行
翩翩游覽屬書生
人言入洛多佳士
詩到中州是正聲
雪月自能傳賦手
風塵誰敢露才名
定知不厭西江派
一笑遺山語太輕

纔刮塵埃眼便空
看殘秋影住簾櫳
幾人射策如君早
此地論文許我同
五色莫輕紅勒帛
十年應見碧紗籠
登場選佛談何易
都在千磨百劫中

贈李謙山大令

祝齡

時同分校秋闈

十丈紅埃萬里沙
想君胸次鬱嵯峨
眼中人物誰千古

海內科名此一家未作單寒知疾苦轉因磨鍊見才華
明明身近雲霄路故入風塵計亦差

夜靜茶香試院煎每談文字輒殷然升沉怕漏珊瑚網
爾我曾開瑤琰筵比屋樹聲寒作雨隔簾花影黯如煙
騰空畢竟須精力便是探驪要少年

分校十四入
李年最少

贈崔仙洲大令

登釐

卽送還任陽樂

英姿春月氣秋霜忽入風塵轉激昂美邑便分袁子郡
故園終戀鄭公鄉

大令山左人予
亦寓山左最久

廿年我逐蒙荑客一

樣君登傀儡場卻怪品經泉七十更從何處試茶槍

神州仙渚極天清此地登臨最動情不負江山惟酒在
略遲舟楫待詩成蒼茫水驛秋無跡彷彿風簷夜有聲
同分按未敢逢君輕得句上頭從古重題名
秋闈

黃樹齋少寇屬題獨立圖

憶昔長安道見公顏色好風塵一別垂十年四海競傳
公未老憶公才譽雄神京虹霓意氣驄馬聲長揖卻寬
我禮數短歌略識公生平立朝凜凜冰霜簇風骨如公
生使獨

聖主能容讜諫書重臣屢決平反獄九州復

命慰

九重麻衣旋返盤谷宮
旁人欲問不敢問
竊視別有沉憂容
賈傳久陳前席地
孔公怕洩重園事
卽當寬褐只閒身
扶搖大扇應深意
雖離魏闕非江湖
塵寰眼放胸躊躇
畫師似會蒼茫意
峭筆爲公獨立圖

感德述志詩呈南昌郡伯倪濂舫先生

良燿

慷慨期古人
漸老乃末職
自顧百無能
所能字略識
而因識字累
半生坐抑塞
回首少登科
側身遠寄食
長揖見公卿
結交廣車笠
萬卷走萬里
讀書誦讀律
遭遇未

可期意氣則無敵奈何馬絕奔遽作鳥戢翼千秋自浩
蕩百里苦跼踖已分逐塵吏安得附詞客碎琴懼狂妄
覆瓿甘棄擲江東倪夫子治行重儒術未聞詢也名見
詩忽動色喜謂筆不凡齒牙論勿惜有善必盡揚有疵
亦必摘似感抱璞心務琢使完璧我學旣粗疎我政更
迂拙作吏本無華得縣又至僻公復慨然許謂可任繁
劇從此階前地予我以一尺有進必獲見見必誨剴切
遂令久塞胸發滯而宣鬱詢也初聞公憐才卻嚴擇門
館肅無私躁進教豈屑獨於樗散材培植不遺力愛才

固若命愛人實以德感激何以報報但一枝筆公意極
肫誠我語敢虛飾平生知己淚半灑作雨墨轉歎墨磨
人碌碌不得息

眠琴綠陰圖爲李硯耕上舍

汝饒

題

我家有山園園有桐與梓琴材不可知綠葉成陰矣爾
時若不出故山多少好音收十指君今故鄉來我但問
琴材琴材不可知綠樹何依依風來打琴花折枝不覺
動我家園思君亦有山居不得抱琴此去將何適綠陰
如水好樓臺今日披圖同唧唧唧唧復唧唧天涯風雨

夕殷勤種樹爲求聲十年前意無人識

滌舫先生命題雲煙過眼圖

我聞世五明眼也居其一此中至空洞過去總無物物
來物去任自然繪圖借態觀雲煙茫茫宦海如煙結宦
情各逐春雲熱閱殘聚散有千形覽遍古今仍一瞥吁
嗟乎太空冥冥誰得猜上則飛揚下沉埋雲或塗泥煙
劫灰物情變幻吁可哀類而推之爲羣材所貴傾覆而
栽培願公盱眼看塵埃

法可菴觀察

法良

命題江湖于役詩草

世臣

恩重許馳驅挽粟飛芻達

帝衢要爲

九重資捍濟况聞三輔急征輸旬宣南國周符節轉運
西京漢舳艫見說羣才隨幕下好將歌詠壓船租

想見飛騰潑墨濃郵筒叠報半詩筒大江風雨常如客
佳日春秋盡屬公劉晏精勤仍暇豫張騫游覽是英雄
弓衣一唱東南樂財賦年來幸告豐

題湯十洲匡廬觀瀑圖遺照

我頗疑天河懸空水不瀉一瀉當可觀界破蒼冥下嗚
呼宇宙豈有此大觀大觀只在匡廬山山泉萬道走一
處欲捲長江上天去天公創奇力不遺要人看山入山
住開山誰神姓匡看山誰客姓湯客亦作仙去與神相
徜徉神兮仙兮俱已矣空剩人間一條水我曾三見神
仙宮水灑我面仍塵容看山不得魂夢通咄哉乃在茲
閻中真氣鬱勃神玲瓏安得三千丈瀑偃蹇蟠我胸胸
復吐出爲白虹

金烈婦七命同殉哀詞

金烈婦氏林江蘇無錫人
適安徽婺源金君待聘寓

金陵道光壬寅避夷寇闔家返婺源大江中遇盜既劫掠去復返登舟烈婦恐受辱也投水死其二子二婦並兩幼孫以次投水共七命烈婦之弟霞岩參軍爲徵詩烈婦名徽玉年四十有八子凝祥二十有三文祥十有九婦林氏名明霞卽參軍之女二十有五祝氏十有八孫長森長發皆孩抱未斷乳

黑雲無色綠燈昏往事重論倍愴神一卷冰霜貞烈傳
大江風雨亂離人我聞慘痛猶酸鼻誰道艱危可惜身
卻恐沉魂招不得白門回首是迷津

避盜艱難爲避兵兵戈何處得全生九泉有伴攜兒女
一哭無人付弟兄手未仇讎終飲恨魄雖淪落不埋名

告哀敢仗詩人筆玉折蘭摧賦女貞

遊鷺洲書院

書生初願渺難償老見書林暗自傷辛苦未完求志地

謂永豐求志書院

淵源重問道心堂誰能事業爭千古我已蹉

跎愧一莊今日再傳稱弟子此邦猶有舊門牆

謂廬陵王霞九

太夫子

能遊便算許躋攀卻遜還鄉學閉關林谷自違猿鶴約

水雲全讓鷺鷥閒縱然問字容登座畢竟藏書要買山

眼見名區畱不得更從何處覓鄉環

遊青原山淨居寺

忽喜山光照眼青青原山好舊知名樹仍唐代千年色
水是曹溪一派聲飽閱興亡餘幾輩暫無煩惱得茲行
祖師莫笑吾畱戀纔出元關似隔生

遊青原山歸呈蔣矩亭大令

入山不見山山在懸空寄蒼翠積萬重墮地結成寺寺
前目空空寺後勢歸歸俯逐泉聲行不覺山頂至纔盡
松楸徑倏復蒲團地坐久仰四壁斷碣苔蘚碎唐宋剩
殘墨後賢接踵繼我感詞客心或喜或發喟或悟理學

性或落英雄淚而以祖師觀一一等遊戲出山忽回頭
祖關兩大字關內盡神聖關外卽名利管領此山誰蔣
侯亦智慧我歸述山景侯也大歎異欣然笑展眉便欲
約把臂嗟乎我蔣侯此事談何易幾見行腳僧出自折
腰吏非無清淨場奈有瘡痍累聞道卽欲見甚似急求
治竊恐祖師笑笑未除習氣

送文靜涵郡伯

文海

總運北上

暫別黃堂駕綠波與人歌逐榜人歌三春豐熟桃花米
萬里連綿瓠子河財賦東南從古重江湖閱歷算公多

平生善政蘇民困想爲租庸養太和

曾記殷勤待郡衙言情略分更何加能敦古道傾肝膽
肯爲微才惜齒牙離別倍應憐小草賢勞終合賦皇華
依依轉羨行邊柳長共春旗水一涯

呈觀竹樓觀察

觀瑞

十載旬宣樹旌聲華爭比大江清胸中冰雪曾無跡
海內文章舊有名難得詞人爲顯宦卻聞儒者必知兵
仰公經濟雄鞭策我亦轅駒願一鳴

滕王樓閣越王臺嶺草江花次第栽相馬早深羣士感

飛鴻還望我公來

昇平南國歸詩卷蒼翠西山入酒杯一事聶翁忘不得

能遊海外是仙才

觀察云極不忘嶺南也

初泛鄱湖

豪傑都何處風濤亦偶然昔聞九江郡今泊五湖船吳
芮曾爲令洪崖竟得仙無風吾亦到不借錦帆懸

太陽埠

拂拂清風浣面塵宦遊不覺換韶春青山綠水紅陽埠
已是江南畫裏人

舟中望景德鎮

熱情先炙隔江人人語江聲了不分莫道人閒煙火氣
倘能飛去亦爲雲